

## **Crynodebau Grant Cynulleidfaoedd Newydd**

### **Band A – hyd at £2,500**

#### **Lysh**

Bydd y cylchgrawn Lysh yn lansio cystadleuaeth ysgrifennu i groesawu pobl o liw fel cyfranwyr newydd, a bydd hefyd yn gwahodd lleisiau ifanc newydd i ddatblygu eu cynnwys fideo materion cyfoes.

#### **Mymuna Soleman**

Mae Mymuna yn berson creadigol o gefndir Somali-Cymreig sy'n angerddol am bopeth yn ymwneud â chydaddoldeb, tegwch, amrywiaeth a chynhwysiant, ac mae hi'n mynegi ei hun a'i phrofiadau byw ar lafar. Hi yw sylfaenydd y Privilege Café, a thrwy'r prosiect hwn mae'n anelu at ddatblygu ei sgiliau ysgrifennu a chreu hafan ddiogel i ferched o liw fel bod modd iddynt ysgrifennu, tyfu a ffynnu yn sector y Celfyddydau Creadigol.

#### **Pontio/Cymdeithas Affrica Gogledd Cymru**

Bydd yr awdur Casia Wiliam a Jac Jones yr artist yn gweithio gyda theuluoedd o Gymdeithas Affrica Gogledd Cymru, ochr yn ochr â sesiynau i'w cynnal gyda storiwyr a cherddorion o Gymru ac Affrica, i greu llyfr plant. Bydd y teuluoedd wedyn yn derbyn copi o'r llyfr hwn fel rhodd i'w gadw a'i fwynhau gartref gyda'i gilydd.

### **Band B – £2,501 i £15,000**

#### **Atebol**

Nod prosiect Atebol yw cryfhau a chynyddu amrywiaeth yn y diwydiant cyhoeddi Cymraeg ar gyfer oedolion. Gyda'r cyllid hwn byddant yn cyflogi golygydd i sefydlu rhaglen gyhoeddi gyda phwyslais ar ddatblygu awduron o gefndiroedd amrywiol.

#### **Broken Sleep Books**

Bydd Broken Sleep Books yn sefydlu gŵyl lenyddol flynyddol i'w chynnal yn Nhalgarreg dros dri diwrnod i groesawu awduron a chanddynt wahaniaethau o ran dosbarth, hil, rhywioldeb ac anabledd i ddarllen, cyflwyno a rhyngweithio gyda'r mynychwyr.

#### **Graffeg**

Nod cynnig Graffeg am gylchgrawn digidol sy'n hwyluso mynediad at gyhoeddi yw mynd i'r afael â thangynrychiolaeth anabledd mewn llenyddiaeth a goresgyn rhwystrau i weithio fel awdur neu ddylunydd anabl.

#### **Hanin Abou Salem**

Bydd Hanin Abou Salem yn datblygu sgiliau creadigol deg o ffoaduriaid yng Nghymru drwy raglen ysgrifennu wedi'i thargedu'n benodol i ddatblygu a pharatoi eu deunyddiau llenyddol ar gyfer eu cyhoeddi.

### Honno

Bydd Honno'n cefnogi dwy fenyw o gefndir Affricanaidd neu Asiaidd i greu blodeugerdd ffeithiol o brofiadau menywod a merched o'r cefndiroedd hynny o fyw yng Nghymru.

### Inclusive Journalism Cymru

Rhwydwaith yw Inclusive Journalism Cymru a fydd yn sefydlu cyfres o weithdai i alluogi pobl i weld bod modd i'r rhai sy'n wynebu rhwystrau yn y diwydiant cyhoeddi ddilyn llwybr gyrfa realistig yn y maes.

### Just Another Poet

Bwriad Taz Rahman yw cynyddu'r diddordeb mewn llenyddiaeth a barddoniaeth o Gymru ymhlith cynulleidfaoedd ifanc ac amrywiol drwy gyfrwng ei sianel YouTube, *Just Another Poet*. Gyda'r arian hwn, bydd Taz yn ehangu cwmpas rhaglennu ac yn cyflwyno elfennau ychwanegol sy'n canolbwyntio ar dalent lenyddol sy'n dod i'r amlwg yng Nghymru, yn ogystal â thynnu sylw at bwysigrwydd siopau llyfrau a llyfrgelloedd i'r diwylliant llenyddol. Gyda'r cyllid grant, bydd Taz yn targedu cynulleidfa newydd ac amrywiol sy'n defnyddio dyfeisiau digidol symudol, ac yn gwneud defnydd o sianeli cyfryngau cymdeithasol i ehangu cwmpas diddordeb mewn barddoniaeth a llenyddiaeth yng Nghymru, yn ogystal â chynyddu amlygrwydd awduron o Gymru.

### Modron/Kristian Evans

*Modron* fydd y cylchgrawn llenyddol Cymraeg cyntaf ar yr argyfwng hinsawdd. Bydd i'w gael fel cylchgrawn ar-lein, a'i nod yw sefydlu golygydd o gefndir ethnig amrywiol.

## **Band C – £15,001 i £40,00**

### Lucent Dreaming

Lucent Dreaming fydd y cwmni cyhoeddi llyfrau a chylchgronau cyntaf i fod dan arweiniad ac yn cyflogi dau olygydd amser-llawn o liw i gael ei ariannu yng Nghymru. Ei nod yw cynnig llwyfan i awduron newydd ac egin-awduron, a meithrin golygyddion newydd a gweithwyr cyhoeddi proffesiynol o gefndiroedd a dangynrychiolir yng Nghymru.

### Lumin Press

Bydd LUMIN Press yn parhau ac ehangu eu gwaith o ddatblygu arfer cyhoeddi sy'n blaenoriaethu cydweithio, cyfeillgarwch a chefnogaeth deg hirdymor wrth weithio gydag awduron ac artistiaid o liw. Mae LUMIN yn ymwneud â gofal, cydweithredu a ffyrdd o weithio y tu hwnt i rwystrau strwythurol.